

مرند اۆيکو

Mərənd öykü



دويمه

يازار: حامد احمدي

Web adress:www.marand-oyku.arzublog.com

Face book:www.facebook.com/marandoyku

Email:rezaaydin491@yahoo.com

دويمه

حامد احمدی

مارکس دندی "مؤحکم و سارسيلماز اولمايان هر شئی، توستو اولوب گۆيه گندر.
حیکایه باشلاندى، توستو اولماسين گۆيه گنتمه سين. آمين!

آرود اؤسکوره اؤسکوره يوخودان اوياندى. الينى بورنونا آپاردیقدا، شیرهلای ایستی قانینى حیس
ائله دی. یاواشجا آه چکدی، سونرا ایسه یورغانی اوستوندن قیراغا آتیب دورماق ایسته دی.
کیشی یوخو هاواسینا - "نه اولوب؟" دئییه سوروشدو.
- "بورنومان قان آچیلیب!" دئییب الینى توتدو بورنونا.
کیشی دوردو. گۆزلرینى اووا اووا اونا باخدی: - "آخی نییه؟"
آرود چیین لرینى چکدی. کیشی اوتاغین لامپینى یانديریب ایشکافدان بیر آز پامبیق گتیردی. -
"بونو سوخ بورنونا... جولو بارماغیوی دا سیخ، باشیوی دا اوسته ساخلا."
کیشی دانیشاراق، آرود پامبیغی بورنونا آپاریب جولو بارماغینى دا سیخدی. سونرا باشینى
یوخاری توتدو.
- "سو ایچنيسن؟" کیشی دئییه سوروشدو. جاواب گۆزله مدن آنجاق سو گتیرمه یه دوردو.
- "یوخو گۆروردوم."
- "نه یوخوسو؟"
- "گۆروردوم بیر نفر اؤزون کسئی، اول آياخلارینى کسدى، سورا الين، سورا باشين. فقط بیر الی
قالمیشدی، قالمیش الی سن اولدون، گلدين ايشه دين منيم اوزومه..."
کیشی دوشونرک، یاتاغین قیراغیندا اوتوروب گۆزونو ایسه زیلله دی آرودین اوزونه، - "نه رنگ
ایدى؟"
- "نمنه؟"
- "سودویوم؟!"
ائله او دقیقه جاواب وئرمه دی، سونرا - "دور جهنم اول"، دئدی، - "منی روانشناسی زاد ائله-
مه، فُرودون دا، ننه سى نین گورونا سیچیم..."
کیشی باشینى یئلله ییب سو گنیرسین دئییه اوتاقدان چیخدی. آرود الینى قویدو آلنینا، بلکه ده
باشی آغریییردی. بورنونون قانى کسيلمیشدیسه ده، یئنه تکرار اولماسیندان قورخدو. قدیم
قونشولاردان بیرى نین یوخودا بورنوندان قان آچیلدیغی یادینا دوشدو. قان بوغازى نین یولونو

توتموش، یازیق ائله اوردا بوغولوب اؤلوموشدو. آلاسه اوزاق ائله سین دئییه باشینی یئنه گویه ساری توتدو.

کیشی بیر لیوان سو الینده قاییتدی. - "بیر نفر کوچه ده آشقاللاری آختاریردی، آلاهیین پیشیه- لری ده رغبت ائله میر او آشقاللارا یه خین دوشسون."

آرواد سویو ایچیپ سوروشدو: - "نییه هاممی آلاهی گویده تصور ائلر؟"

- "بس هاردا تصور ائله سین؟"، کیشی دئییب ایشیغی سؤندوردو کدن سونرا یئرینده اوزاندی. آرواد اوزونو اووجلاری ایچینده گیزلیدی. یوخوسو گلیردیه ده، اوزانا بیلیمیردی آنجاق. ساعات تاق تاق سس سالمیشدی. کیشی بؤیرو اوسته چئوریلیب، - "باشیوی قوی یات دا!" دئی. اووونون ایچینده میزیلدادی.

- "هن؟"، کیشی دئییه سوروشدو.

بو دؤنه بارماق لاری آراسیندان کیشی یه باخیب - "یاتانمیرام"، دئی.

- "اوزانسان یاتارسان."

اوتافدان چیخماق اوچون آیاغا قالدیغیندا باشی گیلدی. بیخیلماسین دئییه الینی آتدی دیوارا. یاواشجاندان ارینین سیقارلاریندان بیرسینی گؤتوروب بالکونا چیخدی. شهرداری بالکون قاباغینا نرده چکمه یی تکلیف ائتمیشدی. - "آخی اوندا بالکون اولماز کی، اولار زیندان دا."

- "خانیم! بولار هامیسی برای حفظ حریم خصوصی اوچوندی، اؤزوزدن اؤتوردی..."

دمیر داراق لارین آرخاسیندان کوچه یه باخا باخا وینستون سیقارینی آلیشیدیردی. بیر نفر زیبیل لری ایچینده قوردا لانیردی. سیقاری تئز تئز چکیب بیر تیکه آت بلله سی توتماق اوچون گئتدی ائوه، بیر ده قاییتدی بالکونا. یاواشجاندان - "آغا!... آغا!..." دئییه سسلدی. زیبیل لری آختاران قاراشین کیشی دیکسینیب سس گلن یئره باخدی.

بلله نی آتدیقا، کیشی اونو گویده قاپیب بیر دیش ووردو. سونرا، - "مَمووی یئیم..." دئییب قاچدی.

آرواد سؤزو ائشیتجک سس سیز قیشقیردی. یاتاق پالتاریلا چیخمیشدی بالکونا. بلکه ده شهرداری آداملاری دوز دئییرمیشلر دئییه دوشونوب اوتاغا قاییتدی. آوارا دیدرگین ائوده وار گل ائله- دی. گئجه نین بو واختی، بیر اونی بو حالدا گؤرسه دئییر هلبت باشینا هاوا گلیب. مبلدا آیلشدی. یئنه ساعاتین تاق تاق سسی گلیردی. مبل جورولدا ییر، اری خورولدا ییردی، مطبخین شیریندن ایسه دامجی دامجی سو دامیردی. هر یاندان سس گلیردی. ایندی دلی اولاجاغام دئییه ال لرینی قویدو باشینا. سسلر یئنه ده وار ایدی. گئتدی مطبخه. شیر برکیدیب ساعات لارین دا باتریسینی چیخاردی. سونرا یاتاغا گیریپ ارینی دالدان قوجاقلادی. قولاغینا - "خورولداما!" دئییه پیچیلدادی.

سونرا، اۇز اۋزونه - "ايندى بلکہ ياتا بيلديم" دئيىب گۇزلىرىنى يومدو.

اوشويه اوشويه يوخودان دوروب گنجەدن سحره قدر اوستو آچىق ياتماسينا دوشوندو. گىچ حالدا آياغا قالخىب ساعاتا باخدى. ساعات بير ايدى. تعجب ائلهدى. ارى هله خورولدايىردى. نئجه گوناورتا چاغى ساعات بيره قدر ياتمىش؟ كىشىنى سسلدى: - "ساھات بيردى!" كىشى اسنەيب توتقون سسلە - "مىرتيويىن باشى ياريمدى؟ گنجەنى كى قويماميسان ياتاخ، بو دا ايندىكى ساھات يئددىدە آدمى يوخودان ائله مەيىن..." بير آز فيكىرلىشىدىكە، گنجەيلە ساعاتىن باترىسىنى چىخارماغى يادىنا دوشدو. - "دور دا، چۇر يىمىز يوخدى."

- "بابا سن آلاھ قوئ ياتىم، مثلن جومەدى ھا! ايتى وورسان يوخودان دورماز"، كىشى يوخولو يوخولو دئدى.

- "او سويوخدو كى، ايتى وورسان ائشيبە چىخماز!"، آرواد دئيىب كىشىنىن اوستونه اوزاندى. باشىنىن توكونو اوينادىب دوداق لاريندان ايسە سس سىز بير اۋپوچوك گۇتوردو. سونرا، - "دورموسان؟" دئە سوروشدو.

كىشى اونو اۋزونه سىخىب - "گل بير آز ياتاخ، سورا دوروم"، دئدى. آرواد حىرصلنىب - "اۋتور گۇرورم! اوز وئردىخجن آستار اىستىر!"، دئدى. سونرا، اۋزونو كىشىنىن قوجاغىندان چىخاردى.

- "گندىرم حاماما، چىخىنجا چۇره آليسان ھا"، دئيىب حاماما كئچدى. حامامدا اىستى سويو نه قدر آچدىسا، سو قىزمادى. ددەزه لعنت دئە سويوق سويلا ايت غىسل- سى ائلهيب تئزجە چىخدى. ارى هله دە دورمامىشدى. سىماورين آلتىنى ياندىرىرشىدىن سى- دىسىنى اوختودو. ضبطىن سسىنى اوجالدىب ماھىنىنى ايسە مىزىلدايا مىزىلدايا ساچ لارىنى دارادى.

- "اونون سسىنى آرات"، كىشى اوتاقدان قىشقىردى.

اۋزون ائشيتەمەزلىيە ووردو: ... بولبولر اوخور، چەچە وورور، باغدا گول اوستە ...

- "آدام اول اونون سسىنى آرات. رشىد چىخادانىن دا، ضبط چىخادانىن دا آغزىنا..."

- "دو چۇره آل، ساھات بير اولدى."

كىشى جانىنى قاشىيا قاشىيا اوتاقدان چىخدى. - "لاپ داي قورت تۇكئىسن، او گنجەكى ادا لارين، بو دا بويونكى سحرەدن خوتداماغىن."

آرواد گولوب - "صبحث بخير عزيزم، صبحونه چى مى خورى؟!"، دئدى.

كىشى دە - "پوخ مى خورم!"، دئيىب گئندى تووالنتە.

- "ئالە گنجەدن اوردا بىر آز قالىپ... آيىل يى."

سونرا اۆز حاضىر جاوابلىغىندان كئف ئالەيب چاى دملەدى. "... دئىن كى گولمە، دانىشما، رقىبە ناز ائتمە..."

كىشى ال اوزونو قورولوي قورولوي، تووالئتدن دئدى: - "گوناه سىندە دۇير، من گنجە ايسىتەدوى يئرئىنە يئىرمەمىشم، اونا گۆرە بئلە چاش باش ووروسان. بورنونان قان گلەمە زاد دا باھانايىدى..."

- "سۆزو آيرى يئره چكەمە اوستاد..."

- "گىنە چاى ايچىسن؟"

كىشى باشىيلا - "ھىپ!" دئيب پىردن بىر آزىنى بايات چۆر يە ياخدى.

- "گنجە گۆردوم او كىشى ھلە زىيىللىرى آختارىر، اور يىم ياندى. بىر آز خوروشون ائىندن وئردىم"،

آرواد چايىنى تۆكە تۆكە دئدى.

- "گۆر پىس اۆرگەدە بىلئىسن بو پىس اوزلولرى؟"

- "چوخ دا تشككور ائلەدى"، آرواد دئيب زىيىل آختاران كىشىنىن آتديغى تىكە يادينا دوشدو.

چىمچەشيب، او آندا ايسە ايسىكان اليندن يئره دوشوب پارامپارچا اولدو. كىشى دىكسىنيپ -

"ئىنەدىن؟" دئە سوروشدو.

آروادين اور يىنىن باشى سۆكولوب - "بىشوعور منە دئدى ممەوى يىيىم..."

كىشى اول باشا دوشمەيب سونرا ايسە قاھ قاھ گولدو. چۆرك بوغازينا آتايلىپ اۆسكورمەيە باشلادى.

آرواد آغلایارق، - "نەيە گولورسن؟" دئە سوروشدو.

كىشى گولوب اۆسكورندن سونرا، - "دئيب دا، يئمىيىپ كى!..." دئدى.

آرواد ايسىكانىن سىنيق لارنى يىغا يىغا، كىشىنىن نچە گون بوندان قاباق ايتىردىيى كۆينك دويەمەسىنى كابىنئتىن آلتىندان تاپدى. سىنيق لارى زىيىل قابىيا بوشالدىب بىر آيرى چاى توكدو.

داھا آغلامىردى. باشىنى آشاغى ساليب دويەمەنى اوينادا اوينادا، اونون ايكي باجاسينا، صدفى رنگىنە، بىر دە گىردە شكىلىنە فيكىرلشدى. آخشام يادىمدا اولسون تىكىم دئە دوشونوب دويەمە-نى قويدو جىبىنە.

تلفون اليندە تختىن قىراغىندا اوتوردو. تلفونون سىمىنى الينە دولايىپ آچىردى.

- "گىنە گلىيلر...", ياواشجادان دئدى.

- "نچە نفرديلر؟"

- "دۆرد نفر" دئىيىندن امين اولماق اوچون بويلانىپ قاپىنىن شىيرىغىندان باخدى.

- "اوتوروبلار مۇبللارین اوستونده، دانیشرلار، گولورلر..."

- "قورخوسان؟"

- "بیلیمیرم!"

- "آده قورومساخ نه یئیسن؟ منه ده وئر."

قاراشین کیشی چۆرَی تئز تئز گمیریب، - "سیهدیر اویانا، اۆزوم تاپمیشام" دئدی. سونرا گه-ییردی.

- "هاردان تاپدین؟ من آجیمدان اۆلورم..."

قاراشین کیشی جاواب وئرمه ییب یولا دوزلدی.

بیر آز دا جاوان اولان او بیرسی، او گلدییی کوچه یه ساری گئتدی. باشماق لاری آیاغیندا لاققیداییردی. زیبیلره حۇصله سیز باخیب بیر زاد آیرد ائله مدی. ائولره باخدی. آذرشهرین داشلا گۆزلجه تیکیلیمیش بینالارینا حسرتله باخدی. - "آللاه تپهزه بیخسین!" ائولرین بیریندن ایشیق سیزیردی کوچه یه. ساعات بیر اولاردی. گۆزونو او ائوین پنجره سینه دیکدیکده، باشی آچیق بیر آرواد گۆردو. او ال، بو اله گئدیپ گلیردی. دیقتله باخدی. - "باشینا هاوا گلیب دئییه سن"، دئییب گولدو.

- "دی جهنم اول گنده..."، کوچه باشینداکی قاراشین کیشی سسلدی.

- "چوخ قورخورام، گئجه پیس یوخو گۆروردوم... بیر نفر اۆزون کسیردی. اول باشینی کسیدی، سورا آیاخلارینی، سورا الینی کسیدی. هله اوندان قاباخ دا بیرى گلدی یورقانی اوستومدن چکدی دئدی دور گئداخ... دور گئداخ..."

بیردن اری قاپی نین آستاناسیندان - "سلام" دئدی.

دیکسیندی. - "گئندیلر؟" دئییه سوروشدو.

- "هامیسی گئتدی، عوضینه من گلدیم."

خیابانین قارانیلیغیندا، ایکی آوارا دیدرگین، روح کیمی یول گئدیردیله. سیقار چکه چکه.

- "چوخ اسگیهسن. آدامین مرفتی اولار"، جاوان کیشی دئدی.

- "نه اولوب کی؟ بیر تیکه چۆرَییدی دا"، دیشی نین آراسینی دیلیله قوردالادی.

- "هارا گئدیریخ؟" جاوان دئییه سوروشدو.

قاراشین کیشی دینمه دی. قیسا آدیملارلا سس سیز سمیرسیز گئدیردیله.

كىشى آروادا ياناشىب تاختىن اوستونده اوتوردو، - "چوخ يورقونام."
آرواد بير سۇز دئمەدى. تلفون قوجاغيندايدى. اونو ميزىن اوستونه قويوب گۇزونو دىكىدى ديوارا.
- "چوخ يورقونام"، كىشى دئيب جيبىندن ايسە بير سيقار چىخاريب آليشديردى.
- "بير سۇز دئ آخى!"
- "هن؟"، آرواد اۇزونه گليب سوروشدو.
- "ھارداسان؟"
جاواب وئرمەدن آروادين گۇزلىرى دولدو.

- "بو خياوانى آتلاساق او الە، اوردا ياخچى زيبىلر وار... بلکہ سنە دە بير زاد تاپيلدى"، قارا
كىشى اليەلە خيابانين او بيرى طرفيندە بيلنمەين بير يئرى گۇستردى.
خابانى سوووشوب سوووشماز، بير ماشين گليب ايكيسينى دە باسلادى. قارا كىشى ديشى-
نين آراسينى ديليەلە قوردالايلا قوردالايلا اۇلدو، جاوان اوغلان ايسە ھاوانى چتتيلەكە آليب اۇتورە-
رک، قان قوسوردو...

ماشينين ايناسيندان آسلانميش چگوارانين ميدالى اويناييردى. احمد کايا دا اوخويوردو. ماشينى
سورن جاوان اوغلان دا آياغينى قازا باسيب ماھنىنى دینلەيیردی. "سندن آلدیغیم نە وارسا،
يئرینە کویار گئد ریم..."

ساعات بيرى سووشموش، خيابانلار ايسە خلوت ایدی.
اوغلان بير سيقار آليشديرىب يئنە وار گوجويلە قاز وئردى. دوکتورون آخشام سۇيلەديى سۇزلره
دوشونوردو. نە اوچون دوکتورون يانينا گئتديينى هئچ آنلاميردى. بلکہ دە پولونون اليندە
قالميشدى. اون مين تومن وئريب، بير ساعات دوکتورون بوش بوغازليغينى ائشيتسين. آتديغى
حبلر حالينى دوزلتميشدى. باشقا آداملارين هئچ نەيە دوشونمەديکلىرى، اونون ايسە ھرنەيە
دوشوندويو، سيزيف اينجيدىيى قدر اونو اينجيدىردى. سيزيفدونيا دا اکستازى کیمی بير زادين
اولدوغونو اۇيرنەيىدى، بلکہ دە داش داشيماق اونا بير آز آسانلاشاردى. يئنيدن بير سيقار
آليشديردى.

- "آديز نەدى؟"
- "اوردا يازيب دا دۇھتور! نەيە سوروشورسان؟" مۇبلا لم وئرميش، قيچينى ايسە او بيرى قيچى
اوستە آشيرميش حالدا جاواب وئردى.

- "باخ بېر آقاي محترم، من بوردا دۇھتورم و سن چون موشكولون وار بورا گلميسن، آديوى سوروشورام، آديوى دئە"، دوكتور حيرصلە دئدى.

- "نە فرق ائليز آخى آديم ندى. فرض ائله سيزيف!"

بېر آرا هئچ بېرى دانىشمادى.

- "چوخ گۇزل! موشكولون ندى؟"

اوغلان دريندن نفس آليب - "هر دن تر باسير، سس زاد ائشيديرم، آغزيم قورور..."، دئدى.

دوكتور آرا وئرمەدن، اوغلانين سۇزونو كسيب - "اۇز اۇزونه گولورسن، آغليرسان. گاهدان دا دارىخيرسان..." دئدى.

قاز وئريب دوكتورلا دانىشديق لارينا دوشونوب گولوردو. تزه هاوا ماشينا گلسين دئيه شوشەنى ائنديردى. تر باسميش بوينونو سيلدى، - "هارا گئديرسن؟"

قاز وئردى، - "هووى... جاواب وئر. هارا گئديرسن؟"

ضبطين سسپينى اوجالتدى. سس چيخمادى. احمد كايا سوسموشدو. - "هارا گئديرسن؟"

الينى قويدو باشينا، - "دئيه سن ماشينين تورموزو يوخدى" دئييب يئنه ده قاز وئردى...

گۇروشون ياريسيندان چوخونو دوكتور دانىشميشدى. اوغلانين حيسلريندن، دويغولاريندان دئميشدى. - "بولار هاميسى بېر نوع اضطيراب علامتلىرىدى. بو كاغىزدا يازديغيم سۇزلره عمل ائله سن حل اولار..."

كاغىزى اوغلانا سارى اوزاتدى. دوكتور گۇزلويونو چىخاريب مۇبلا سۇيكندى، راضىلىق دويغوسويلا دولو.

قاز وئردىكجه اوچماق حيسى ال وئيردى اوغلانا. سوسوز ايدى.

- "بابا ائله خياوانين او تاييندا، گل! بلكه سنه ده بېر زاد تاپيلدى."

- "هارا گئديرسن؟"

- "اۇلومه..."

ماشين برک بېر زادا دئدى. حتمن ايتدن، پيشيكدن ايدى دئيه يولونا داوام وئردى.

حيرصلە آياغا دوردو، كاغىزى الينده بوكدهلهيب اونو آتدى دوكتورون اوستونه. - "سنه دوكتور ديينين آغزينا! قانماز من داوا آتيرام، مواد مصرف ائليرم و سن بونو تشخيص وئره بولموسن..."،

ديل آلتى سۇيوش ياغديرا ياغديرا دوكتورون اوتاغيندان چيخدى.

- "هارا.....؟"

اسنەديى زامان چيراق قىزاريب بېر ماشين اوردا داياناجاق ايميش. ۱۲۰ سورعتله اونونلا توققوشوب باشى قاباق شوشەيه دئدى...

- "هارا گئديرسن؟"

- "کافاما سیکار گئد ریم..."

آرواد گۆزلی نین یاشینی سیلدی. جییندن دویمه نی چیخاریب اونون دلیکلرینه، گیرده شکیلینه،
بیر ده صدفی رنگینه باخدی. - "من ده یورقونام..." دئییب اوتاقدان چیخدی.